

Yangilanayotgan Konstitutsiya mazmun-mohiyati targ'iboti

O'zbekiston Respublikasi Fanlar akademiyasining Fizika-texnika institutida institut direktori Husniddin Olimov, Fanlar akademiyasi Birlashgan Kasaba uyushmasi raisi Sherzod Jo'rayev, Fanlar akademiyasi Davlat va huquq instituti professori N.P. Azizov va institut ilmiy xodimlari ishtirokida "O'zbekiston Respublikasi Konstitutsiyasi to'g'risida"gi O'zbekiston Respublikasi Konstitutsiyaviy qonun loyihasiga kiritilgan o'zgarishlar muhokamasiga bag'ishlangan tadbir bo'lib o'tdi. Tadbir boshida professor N.Azizov O'zbekiston Respublikasi Konstitutsiyaviy qonun loyihasi bo'yicha institut xodimlariga qiziqarli ma'ruza qilib berdi. Ma'ruza davomida professor N. Azizov mamlakatimiz Konstitutsiyasiga kiritilayotgan yangiliklar haqida, ularning asosiy maqsadi, mohiyati va mazmuni to'g'risida so'zlab berdi. Yangilanayotgan Konstitutsiya so'nggi olti yilda erishgan yutuqlarimizni, islohotlarning ortga qaytmasligini ishonchli himoyasini ta'minlash, erishilgan natijalar, keng huquq va erkinliklaridan mamlakat aholisi va kelajak avlodlarimiz erkin foydalanishlariga xizmat qilishi alohida ta'kidlab o'tildi. Tadbir davomida so'zga chiqqanlar respublikamizda amalga oshirilayotgan Konstitutsiyaviy islohotlar, erishilgan milliy va xorijiy tajribaning ilg'or xususiyatlari, yangilanayotgan konstitutsiyada davlat tomonidan fuqarolarga berilayotgan erkinliklar va huquqlar, bepul o'rta va boshlang'ich kasbiy ta'lim, bepul tibbiyot xizmatlari va boshqa davlat kafolatlari haqida o'z fikr-mulohazalarini tadbir qatnashchilariga bayon qildilar. Tadbir davomida Konstitutsiyaviy o'zgarishlar bo'yicha institut xodimlari tomonidan berilgan barcha savollarga javob berildi. Shuningdek, yig'ilishda institut direktori Husniddin Olimov ham o'z fikrlarini bayon qilib, konstitutsiyaviy islohotlarda barcha faol ishtirok etishi lozimligini, o'z kelajagimiz va yurtimiz farovonligi uchun barchamiz mas'ul ekanligimizni ta'kidladi.

